



Broj:09-20-11-2-3313-II

Datum: 25.01.2024. godine

Na osnovu člana 43. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14 i 59/22), i prijedloga Komisije za provođenje otvorenih postupaka nabavke u 2024. godinu, direktor Federalne uprave policije po ovlaštenju Vlade FBiH donosi:

ODLUKU

o izboru najpovoljnijeg ponuđača u postupku

Javne nabavke rezervnih dijelova za vozila iz programa ŠKODA koja nisu u garanciji za LOT – 2

1. Prihvata se prijedlog Komisije za provođenje otvorenih postupaka nabavki u postupku Javne nabavke rezervnih dijelova za vozila iz programa ŠKODA koja nisu u garanciji za LOT-2, te se Ugovor nakon provedene e-Aukcije prema Izvještaju o toku i završetku e-Aukcije broj: 1412-1-1-373/23 od 19.01.2024. godine dodjeljuje ponuđaču MOTOREX d.o.o. Gračanica po ukupnoj cijeni u iznosu od 1.968,46 KM bez PDV-a.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Obavezuje se ponuđač iz tačke 1. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji broj: 09-20-11-2-3313 od 04.12.2023. godine.
4. Ova Odluka objavit će se na web stranici Federalne uprave policije www.fup.gov.ba u skladu sa članom 70. Stav (6) Zakona o javnim nabavkama ("Službeni glasnik BiH", broj: 39/14 i 59/22).
5. Za izvršenje Odluke zadužuje se Sektor za materijalno-finansijske poslove.

OBRAZLOŽENJE

Federalna uprava policije je provela otvoreni postupak Javne nabavke rezervnih dijelova za vozila iz programa ŠKODA koja nisu u garanciji za LOT – 2, po Obavještenju o javnoj nabavci broj: 1412-1-1-373-3-169/23, objavljeno u "Službenom glasniku BiH" broj: 01/24, dana 05.01.2024. godine.

Procijenjena vrijednost nabavke iznosi 2.900,00 KM bez PDV-a.

Komisija za provođenje otvorenih postupaka javnih nabavki je dana 28.12.2023. godine izvršila radnju Otvaranje ponuda o čemu je sačinjen Zapisnik sa otvaranja ponuda u kojem su uneseni svi elementi predviđeni članom 63. stav 4. i 5., ZJN BiH.

Komisija je u postupku pregleda i ocjene ponuda utvrdila da su u predviđenom roku za dostavljanje ponuda za Javnu nabavku rezervnih dijelova za vozila iz programa ŠKODA koja nisu u garanciji za LOT-2, pristigle dvije ponude i to Ponuda ponuđača MOTOREX d.o.o. Gračanica broj: 1881/23 od 25.12.2023.godine sa ponuđenom ukupnom cijenom u iznosu od 1.968,46 KM bez PDV-a i Ponuda ponuđača KARE d.o.o. Sarajevo broj: SK 16923.2/23 od 28.12. 2023. godine sa ponuđenom ukupnom cijenom u iznosu od 2.900,00 KM bez PDV-a, koje su formalno pravno ispravne i ispunjavaju uslove tražene tenderskom dokumentacijom, te za ugovorni organ prihvatljive, s tim da je u odnosu na navedenu ponudu ponuđača MOTOREX d.o.o. Gračanica izvršenom matematičkom analizom utvrđeno da postoji računska greška, te je Komisija u skladu sa članom 37. Tenderske dokumentacije, pismenim putem od ponuđača MOTOREX d.o.o. Gračanica zatražila saglasnost za ispravku računске greške, koja saglasnost je zaprimljena dana 15.01.2024. godine, kao i od istog ponuđača u skladu sa članom 66. Zakona o javnim nabavkama Bosne i Hercegovine zatražila pismeno obrazloženje ponuđene cijene budući da je uočeno da je ponuda navedenog ponuđača za više od 20% niža u odnosu na ponudu drugorangiranog ponuđača, a koje obrazloženje ponuđene cijene je zaprimljeno dana 17.01.2024. godine, te od strane Komisije ocijenjeno kao osnovano i prihvatljivo.

Budući da je za navedenu nabavku predviđeno provođenje e-Aukcije, ista je provedena prema Izvještaju o toku i završetku e-Aukcije broj: 1412-1-1-373/23 od 19.01.2024.godine, prema kojem je ponuđač MOTOREX d.o.o. Gračanica za navedenu nabavku ponudio najnižu konačnu cijenu u iznosu od 1.968,46 KM bez PDV-a.

Rukovodeći se kriterijem najniža ukupna cijena tehnički zadovoljavajuće ponude, Komisija je u skladu sa članom 70., Zakona o javnim nabavkama Bosne i Hercegovine za navedenu nabavku predložila donošenje Odluke o izboru najpovoljnijeg ponuđača MOTOREX d.o.o. Gračanica, što je konstatovano u Zapisniku o pregledu i ocjeni ponuda od 11.01., 16.01. i 25.01.2024. godine.

Razmatrajući prijedlog Komisije, direktor Federalne uprave policije po ovlaštenju Vlade FBiH donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

Dostaviti:

- Sektor za mat. fin. poslove
- ponuđačima
- u spis

**DIREKTOR**
(po ovlaštenju Vlade FBiH)
GLAVNI INSPEKTOR
Vahidin Munjić